

Lansamento di Aliansa Cultural

DIA 31 di october 2024, Vicky Arens, directora di 'Cas di Cultura' a para banda di Mezzo Soprano y fundado di 'Nos Teater Korsou' sra. Tania Kross (Corsou) y directora di Terramar Museum y presidente di 'Aliansa Kultural Boneiro', sra. Jude Finies (Boneiro), pa hunto lansa e fundacion di Aliansa Kultural Korsou (AKK). Esaki sigur tawata un momento di historia p'e sectornan di cultura di Aruba, Boneiro y Corsou. AKK ta un Aliansa cu ta uni artista y instancianan cultural cu e meta pa fortalece y profesionalisa e sector di Arte, Cultura y Media.

AKK ta dedica na busca fondo, desaroya programa cultural y organisa eventonan cu ta pone talento di hobennan den splendor. Hunto cu Cas di Cultura Aruba, representando su stakeholders tambe y Aliansa Kultural Boneiru, ta uni forsa pa promove intercambio cultural y cooperacion den nos islanan y na Hulanda. Den e compilacion di Aliansa Kultural islanan ABC ta bay – sobrepasa obstaculonan constitucional y burocratico – y lo enfoca riba fortalece e herencia cultural cu ta di importancia pa Reino Hulandes.

E iniciativa nobo aki, Aliansa Kultural ABC ta lanta pa artistanan, personanan creativo y organisacionnan cultural di e sector mes cu hunto por stimula un economia cultural tambe.

“Aliansa Kultural Boneiru a keda lanta na 2023 pa 10 organisacionnan local y a aplica y ricibi un “start kapitaal” di 25 mil Euro, ortoga pa ministerio di BZK como meta pa profe-



sionalisa y hiba combersacionnan den comunidad tocante conscientisacion di e trayectoria di Pasado di Sclavitud. Durante 2024 e organisacionnan a reuni structuralmente pa formacion di e organisacion y a ripara cu pa logra metanan fundamental y structural mester traha hunto cu islanan ruman tambe, paso nos ta comparti nos herencia y exportacionnan den Reino y trahando hunto nos ta mas fuerte pa comparti e reto di cada isla cu alabes ta garantiza exito colectivo. Cu e prome combersacion cu Tania Kross, presidente di Nos Teater Korsou, a bira claro cu nos tin cu uni. Tania a envolvi Vicky Arens directora di Cas di Cultura di Aruba cu na otro banda for di 2022 a acerca Tania pa traha hunto. Nos no ta kere den casualidad pero nos ta kere cu awor mas cu nunca intercambio cultural y de conocimiento ta di importancia pa Reino completo y a keda pa hopi tempo innecesariamente desatendi”. - Jude Finies Aliansa Kultural Boneiru.

Inversion publico den infraestructura cultural, por ehempel pa un Cas di Cultura na Aruba por perdura, actualmente t'e unico teatro riba nos islanan y pa herencia cultural, pa investigacion

independiente y inversion den periodismo investigativo y confiabel, ta asina importante como formacion di ciudadania y fortalecimiento di nos sector social. Esakinan ta fundamento indisputabel pa ciudadanonan keda bon informa y bira assertivo y ta un di e fundeshi mas importante pa un estado di derecho democratico.

Fundacion Across The Isles Boneiro lo representa e Aliansa ABC, pa como islanan uni, sinta na mesa cu Den Haag y dialoga tocante BIS (Basis Infrastructuur), Rijksfondren, Meerjaren regelingen etc. pa haya e trato igual den reino y fondonan cu nos islanan merece. Pa por keda desaroyo pa medio di arte y cultura, pa madura como paisnan pa nos ciudadanonan para mas fuerte den nan sapato.

Stimami. Sterilisami.

REGISTRA AWO

Y BENEFICIA DI NOS SUBSIDIO CU TA CUBRI TE CU 45% DI E COSTO DI STERILISACION DI BO MASCOTA Y UN MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM